

吳  
興  
藝  
文  
補

吳興藝文補卷之六十一 目次

焦竑

玉陽草堂歌爲沈中丞作

沈玉陽名子木歸安人

毗山園雜詠爲潘朗叔

潘郎叔名湛烏程人

錢舜舉深宮戲嬰圖

鄭明選

烏程人

蔣將軍送火魚數頭喜而作歌

幽趣

感懷

歲暮卽事

病中憶沈長山別業

溪望

早行

沈長山莊絕句

七月望江渚觀水燈二絕句

霍村山楊梅樹下作

沈朝煥

白雀寺訪秀公談詩

吳夢暘 烏程人

禽語四首

避暑蘇灣同禽晉賦

別朱太復

同吳用修飲蘋洲

遽園短歌同默孫

送錢魯生

法華寺訪宋初暘時畫寺壁諸大叢林

罷讀

遊沈長山古桂亭

止飲道場山歸雲菴

同允文用修諸子修禊峴山飲窪尊亭

聞溫長卿杜門攜酒慰之

散社後示諸子兼辭酒會

秋草詩 二首

賦得秋柳

別黃伯傳

晚泊

簡周本音

憶鄒汝翼

贈孫伯遠

送擇公弁山玄證寺聽經

出城南小憇放生池過朱大復

上巳蕩舟

菁山歸舟

韓敏求 烏程人昌箕父

癸巳春遊白嶽山齋雨坐

雲卿 寓公

秋日訪吳允兆

再嘗新麥感興東陳孺完閱景倩

秋柳十二首

吳鶴 烏程人

靜夜嘆

花落

望潤卿弟

同朱君采茅薦卿泛月

君采名鳳翔長興人薦卿  
國縉字

稽元夫 歸安人

哀征人 有叙

東南民謠

立秋日盧溝送高少師相公

刈稻夜歸

贈天機上人

臘月廿四日祀竈詞

湯賓尹

蕪湖酬閔水部 閔昭余



謝肇淛

郡司李

三品石爲吳樞季太守賦

大水謠

茗溪草堂雜興二首

夜遊玉磬山

在安吉

道場山訪老僧不值

吳稼澄

維嶽子

閔旱

三窩公詩

礪山謠二首

墻頭草

晝啼鴉

生辰嘆

里兒雜話

玉華山行

在孝豐

郊居

山途卽事

同允兆湖上分韻

苦寒戲東沈千秋

聖岐

歲晏偶成

吳文企

郡守

春日出遊道場山小憩歸雲菴泛舟碧浪湖以歸

王衡

泛茗上訪沈叔求進士

送沈叔求水部北上

敬酬溫夫子贈章并以抒懷

張衡

寄武康令周生季侯

宗建

黃汝亨

茅薦卿邀余讀書山中同令吳子野金玄明輩皆  
一時雅士各紆所懷

讀董伯念傳慨然有作

併序

葉秉敬

咫園吟

胡胤嘉

武康龍潭紀遊

人日武康道中

鍾惺

得韓求仲書并所選文在文閣二編感而有寄

將至吳興訪韓求仲年丈雨中舟進暮泊城外言

懷

泛吳興碧浪湖來山草蕩漾

詠求仲家紅鸚鵡兼有所贈

冬夜茗溪看雨後初月兼有懷贈

釋如愚

逢吳允兆步韻

藝文補卷之六十一 終

藝文補

卷六十一 目次

七

興興藝文補卷六十一

烏程董斯張遐周彙編

閔元衢康侯叅輯

韓千秋聖開增定

玉陽草堂歌爲沈中丞作

焦竑

隱侯詞賦東南美一生嘯傲山川裏  
浮玉之南構草堂門對澄湖三百里  
宛轉丹梯日月開參差翠檻風烟起  
千巖蕭颯常飲秋一壑冥濛得非雨  
水禽格格鳴斜暉江草江花坐不歸  
手把黃庭閱清晝日暮流雲空濕衣  
一自抽身卧烟嶂縱酒彈碁十年上  
天目徒藏金簡書

東山久鬱蒼生望邇來驅風華蓋前綈扇朱幡霄漢懸  
照耀仙班蒼玉佩芬芳畫省白雲篇魏闕江湖心不改  
圖中咫尺留光采一日移來棐几傍拂拭徘徊生感慨  
濤雪渦雷雙眼明臨流幾欲濯塵纓赤霄碧浪知相接  
爲借星查犯斗行

毗山園雜詠爲潘朗叔

焦竑

靈草隱重巖飛鳥自來去茶烟一縷生幽人不知處  
茶右

平臺帶遠樹兩岸蘆花發遂令庭戶間坐見滄洲色

右苑



亭

錢舜舉深宮戲嬰圖

焦竑

水晶簾隱繡匡牀葉葉芭蕉逗晚涼手撫龍雛成一笑  
不知清蹕幸昭陽

蔣將軍送火魚數頭喜而作歌

鄭明選

我昔少年百不憂火魚手畜數十頭一朝結軻主人出  
聞道此魚今亦失自從前月瘖在牀兩月足跡絕中堂  
碧窓如雲隔天日無物可以消愁腸將軍知我心鬱鬱  
餽我火魚白兼赤赤者爛如勾漏砂白者淨若荆山璧

爲我汲水向銀塘爲我作島水中央誰言水廣不盈咫  
宛轉環遊如萬里大魚聯行若弟昆小魚逐隊如兒孫  
出水沒水從所欲江海安知非一盆衆魚悠悠各自適  
一魚強梁獨多力公然奮力向空翻飛越盆池幾一尺  
莫矜汝力健難馴恐汝顛狂捐汝鱗溪有溪毛池有飯  
惠養他時識主人

幽趣

鄭明選

但見滄洲趣清溪對竹扉窓陰綠薜荔水色受薔薇村  
鵬迎船浴山蟲冒雨飛田家蠶已老日暮剪桑歸

感懷

鄭明選

秦淮十二月北風何颯颯  
冶遊誰家子寒空放青鴝  
寂寞黃門郎水棟玉蟾蜍  
素手炙珠筆草疏獨躊躇

歲暮卽事

鄭明選

臘盡休公事無人早閉門  
鉤簾看竹樹筐果散兒孫  
晴雪留堦濕寒烟度水昏  
雞棲江色暮返照落清尊

病中憶沈長山別業

鄭明選

不識田園近若何洛陽歸興日蹉跎  
舊時野竹平安否清夜山猿悵望多  
病惜餘生仍皓首老將吾道寄滄波

風流况有詩朋在月白花香對朗歌

溪望

鄭明選

金蓋山前綠水橫下菰城北碧雲生酒船亂逐晴沙集  
漁網徐牽細浪行盡日盤桓從性懶百年蕭散覺身輕  
已將杖屨遊方外婚嫁何須學向平

早行

鄭明選

雞鳴客下牀出門天未曙山黑不見人但聞馬蹄去

沈長山莊絕句

鄭明選

長趨南望若游龍北有毗山似覆鐘隔水午時鳴布穀

方塘十月放芙蓉

苦蓼滿汀花映牕蜀山飛過雁雙雙豆棚欹側侵書架  
梧葉顛狂撲酒缸

蓮花堦上草蟲鳴處處村莊白菜生賓雁成行如一字  
寇鳬作陣似風聲

東家園裡撲黃柑西岸墳前種石楠蠅蛭似蛇緣短壁  
鷺鷥如鶴下澄潭

七月望江渚觀水燈二絕句

鄭明選

沙迴江渚萬人家夜靜輕舟盪月華忽散紅燈畫橋外

半溪秋水泛蓮花

白蘋洲外月澄澄  
夜半盂蘭施飯僧  
水面華星紅錯落  
滿城翻勝上元燈

霍村山楊梅樹下作

鄭明選

白鵲寺前朝日暉  
黃龍洞口宿雲歸  
一盤一上山橋路  
半樹楊梅着雨肥

白雀寺訪秀公談詩

沈朝煥

逃虛蓬藿遠相尋  
瀟灑支公入講林  
松合亂山飛翠冷  
經殘野水咽寒深  
文人慧業空塵劫  
佛子真如自道心

閒向門徒共礮礮綠窓啼鳥對孤襟

禽語四首

爲閔康侯題畫

吳斐腸

行不得哥哥朝而張羅夕而揚波縱不虞此虞有他音拖

行不得哥哥

婆餅焦見不食食之不饑不食無力可食不食無可憶

灼山看火及今勿情一視蠶作勝於坐

上聲一着蠶絲勝

於裸灼山看火

姑惡惡小姑所虐有拂小姑姑不樂母拂小姑非嫂弱

姑惡惡姑是事錯

避暑蘇灣同翁晉孝若賦

吳夢暘

浩蕩窮湖天與壤亦所擇聊復祛炎氛弭棹指林隙湖  
色蔽野來阡術昧前適松雲互蒼翠倒影瀉成碧躑躅  
荒莽墟細路尋麕跡亦旣躡幽深巖阿境仍闢空庭受  
涼颼使我重布席相與娛當年亦不遺夙昔所希匪來  
茲能不謀竟夕日入興餘思不爲歸所迫

別朱太復

吳夢暘

憶子遊山中山中愴無爲袖中懷素書將以遺安期伊  
余老將至白雲空爾思百歲不聞道役役將何之我無



不死身詎堪生別離

同茅孝若飲蘋洲

吳夢暘

烏程美酒時復沽青絲爲我提玉壺  
蘋州四月風日好心解客愁愁不蘇  
寶刀出匣不成舞江天搔首空蘼蕪  
我歌再發城月墮橫塘水昏吹鬼火

蘧園短歌同默孫

吳夢暘

乾鵲亂噪天放晴新水暴發尋復平  
野田荒草入秋死萍萍無奈愁邊生  
但指朝暾一晞髮病無起色興自發  
半生半死何許人日有歌聲出林樾

送錢魯生

吳夢暘

江水難爲贈江花不肯言但能扶拄杖相送出衡門彈  
鋏古人死讀書吾黨存開瓢挂殘照猶及泊前村

法華寺訪宋初暘時畫寺壁諸大叢林

吳夢暘

勿謂新知樂能令老友踈隔年徒有約一水竟無書不  
道爾痴絕試看誰泊如畫來成佛處何地可容余

罷讀

吳夢暘

歿書且罷讀兀坐夕陽軒聒去入松影醒來通鳥言身

閒衰老骨事少暮冬村忽作牕間雨蒼蒼雲氣屯

遊沈長山古桂亭

吳夢暘

風流那易得此會且爲歡勝槩離城近煩憂索酒寬峰  
陰疑入暝桂老不知寒矯首晴天迥將無振羽翰

止飲道場歸雲庵

吳夢暘

欲逐歸雲去茫然何處邊路窮林莽外水到寺門前滿  
屋唯蒼蘚諸山正紫烟老僧都不理容我醉來眠

同允文用修諸子修禊熙山飲窪尊亭

吳夢暘

三月三日懷遺風登山臨水浮雨中濁醪一瀉湖水碧  
老顏何負桃花紅留連吾黨非晉代感慨昔人惟魯公  
底須觴咏在曲水已看陳迹窪尊空

閔溫長卿杜門携酒慰之

吳夢暘

知君安可使君孤兀兀持來酒一壺何謂清朝居拙宦  
有言今夜告潛夫重檐燈火風侵得小院堦除月到無  
笑我強稱筋力健出門騎馬不教扶

散社後示諸子兼辭酒會

吳夢暘

蘇晉長齋列飲中宵連聯與故人同生憎情劇三眠柳

徒自身輕半死桐細草忽隨春浪碧遠山渾入夕陽空  
無端覓得桃花枕一覺悠悠答畫公

唐僧畫法師嘗作  
桃花石枕歌後焚

詩於瑤  
山寺

### 秋草詩

吳夢錫

八月幽并百草黃還聞一曲奏清商關河今夜皆寒色  
陵寢前朝但夕陽久客自然迷道路後時能不畏風霜  
吳兒莫詫凋零易未到邊頭古戰場

經過都是古遺墟若有幽香一襲余看去別添行役苦  
悲來嘗在賞心餘和戎妃子千年塚棄國將軍九月書

莫訝道傍無勁節上林何樹不蕭疎

賦得秋柳

吳夢陽

八月涼風九月霜誰家垂柳復垂楊連朝班馬偏教繫  
昨夜啼鳥不肯藏臨水漫求全樹碧負牆能掩幾株黃  
攀來蕭瑟無多葉差勝空條斷爾腸

別黃伯傳

吳夢陽

但作尋常別不作尋常語夜深江月來還疑未別汝

晚泊

老屋如巢居亦復禦風雨中有獨坐人焉知不可語

簡周本音

吳夢陽

渺渺陵陽北諸谿合太湖極天新水濶中有鯉魚無

憶鄔汝翼

吳夢陽

日落江樹沒月出江水深江樹別即處江水憶即心

贈孫伯遠

吳夢陽

烈士劍無光單身縱博場空餘一片膽未許衆人當

送擇公弁山玄證寺聽經

吳夢陽

連朝冰雪擁林扃還向深山聽講經門外東風春自到  
一條歸路草青青

出城南小憇放生池過朱大復

吳夢暘

強稱無事一閒身  
經月何曾遠市塵  
相值老僧還許我  
過溪來問閉關人

上巳蕩舟同孝若分賦

吳夢暘

嬌歌一轉緩舟行  
湖月未來湖水平  
垂柳絲絲空結恨  
花飛片片不開情

晴波渺渺澹生烟  
漁唱樵歌何處邊  
燈火漫催城早閉  
滄洲自有不歸船

菁山歸舟

吳夢暘



未飲斜陽月漸高山溪十里放輕舸新秋不畏涼風起  
荷氣吹來滿芡袍

癸巳春遊白嶽山齋雨坐

韓敘求

雨色來千嶂竒遊失舊踪開樽誰對樹隱几但聞鐘倦  
鳥迷遙嶼飛泉急暮春莫言歸路阻身在白雲封

先君子之見背也不肖千秋纔九齡昌筮纔五齡耳  
緒言餘論散佚莫傳千秋等每抱終天之憾歲乙丑  
千秋遊白岳羽流出此詩相示青簡尚新蔓草縈蔓  
泫然不知涕之何從也吉光片羽梗槩斯存雖隙駟

不畱而音微未沫儻有殘剝斷素流逸人間者尚冀  
聞絃泉誦使英華靡絕於來茲也

不孝男千秋百拜謹識

秋日訪吳允兆

米雲卿

芙蓉溪館自生涼一片烟波接野航  
黃石晚逢初問道  
德星秋聚始登堂  
騷人頭上凝霜白  
處士籬邊見菊黃  
不信古來招隱地只今猶在水雲鄉

再嘗新麥感興柬陳孺完閔景倩

米雲卿

渠陽麥飯再嘗新  
旅食蹉跎又一春  
丘壑往來心上事

龍蛇更變眼中人  
衰殘歲月還虛擲  
少壯胸懷莫具陳  
寤寐不忘親  
二子只緣同病與同貧

秋柳十二首

米雲卿

曾寄春心十二橋  
向來縈絆使魂消  
閒將花朵枝枝媚  
借得鶯聲樹樹嬌  
容色乍衰歌板怨  
風流未減馬蹄遙  
含情數問悲秋客  
晷後凋殘有幾條

其二

搖落天涯正此時  
蕭疎多見路傍枝  
一朝染露全無色  
何處含烟尚有絲  
漢苑也應隨日短  
隋堤難道入秋遲

陰雲滿眼河山暮愁絕那堪帶雨垂

其三

離亭當日唱離歌祇爲柔條傍渭河恨不任他攀折盡  
衰來徒自惋傷多百年秋思愁中斷千古春情夢裏過  
縱是王孫金勒馬也應相向歎蹉跎

其四

一夜西風那便凋他鄉何處不蕭蕭依稀存葉還無葉  
捩落長條復短條難忘折來情脉脉更愁看去路迢迢  
經過若問傷心地涼雨寒烟鎖灞橋

其五

纔失陽和氣便寒長林獨樹恨漫漫微霜未著枝先勁  
零露方滋葉已乾弱質縱凋還自惜芳心猶在詎應殘  
請君試看深秋色不學青楓更染丹

其六

古徼鳴蟬帶夕陽塞垣無樹不含霜未將墜葉同秋盡  
還剩枯條拂地長笛裏至今添旅恨閨中徒自怨年芳  
相看不辨行時路野燒汾邊各斷腸

其七

濯濯芳時枉自矜枝頭錯許露珠凝綠陰別去留難住  
黃葉飄來掃不勝新曲更翻成苦調舊遊重過等寒水  
天涯一望同岑寂未必豪華在五陵

其八

名擅章臺第一家忍將憔悴送年華容銷已失如眉葉  
才盡難迴比雪花纔見高樓堪繫馬俄同寒樹與棲鴉  
榮枯只是尋常事忽漫逢時莫自誇

其九

何處相逢最有情平康曲轉大堤橫迴眸不忍枝頭望

攜手真愁樹底行  
近淚幾絲揮欲斷  
牽情千縷苦相縈  
自經委謝無窮憶  
應悔風花忒煞輕

其十

寶馬香車滿路塵  
相看能得幾時新  
飄將墮地皆成土  
悲自傷心敢怨人  
緣謝在遮千里目  
青歸難借一絲春  
蕭條隨分黃泥岸  
羞把繁華問水濱

其十一

不和悲歌也自傷  
秋來天地慘茫茫  
愁生衰草斜陽外  
怨結歌臺舞榭傍  
歲歲暖春吹到冷  
枝枝綠葉變成黃

而今始信桓司馬當墮金城淚兩行

其十二

不作風聲作雨聲牢騷無復繫人情悲來屈宋難成賦  
凋後檉楊莫辨名寒露降時渾是殺孤根隨處合全生  
秋條好耐三冬過依舊萌芽各自榮

靜夜嘆

吳鵠

深房宛轉孤燭紅寒雨颯颯摧枯桐殘更亂葉墜屋瓦  
片片聲入寒林空東疇南畝已收穫比戶不得誇年豐  
向來播種經冰潦精力殫盡枯槁中只今輸官苦不足



炊粒安見幾家充亦知讀書不飽腹靜夜捲卷心忡忡

花落

吳鶴

花落勿遽掃餘香猶可憐酒沽村店薄魚出釣磯鮮秋  
稅資桑陌晨炊給荳田政思無戰伐風土足留連

望潤卿弟

吳鶴

仲月辭家日臨歧接汝書相傳及春暮應得返征車衣  
逐客程換花隨驛路疎來帆遙數盡不見愴何如

同朱君采茅薦卿泛月

吳鶴

落日微微下遙嶺迴風瑟瑟吹女蘿山間遲客明月上

湖口放船秋水多庖人進炙有兼味清童佐酒能緩歌  
欲傾湖波無滴漏長夜樂飲當如何

哀征人 有叙

嵇元夫

余居石山隣人以獵戶被徵實不知兵也未幾負創  
而歸因叙所以而逝余聞而傷之爲作哀征人

征人歸家家人喜親戚問訊門如市自言海上方出師  
狂寇猝至闔垂死將軍驅使本無律隊伍崩奔詎能止  
我兵業窩弓狼儉棄所恃賴有同邑兒扶持還故壘一  
日給一餐晝夜卧沙渼長官重憐我釋我歸鄉里骨肉

幸重見此生終莫起回頭語大兄少小相依倚當時射  
猛虎共逐深山裏手足逞矯捷豺鹿無遺趾壁間白羽  
箭今日空相委與兄當求訣爲我撫兒子余偶來山中  
辛酸不自己行者尚嘆息矧復是隣比哀哉征戰人冤  
毒誰爲理

東南民謠

嵇元夫

東南之民困徵歛十家九家無飽煖嬾織寧完身上衣  
男耕只益官倉滿烽傳海上走長鯨樓船將軍時出征  
官家養兵老閑死却選民間丁壯行南人習耕不習戰

鼓鼙聲動皆驚眩勢如驅羊投猛虎何能禦敵全州縣  
子女被虜老弱啼征夫肝腦塗沙泥戰勝無功死不錄  
君門萬里陰霾迷沿江近海幾千里千村萬落生荆杞  
群盜縱橫尚未休東南徵調何時已

立秋日盧溝送高少師相公

嵇元夫

單車去國路悠悠綠樹鳴蟬又早秋燕市傷心供帳薄  
鳳城回首暮雲浮徒聞後騎宣乘傳從江陵相公請不始有馳驛之命  
見群寮疏請留三載布衣門下客送君垂淚過盧溝

刈稻夜歸

嵇元夫

西莊刈稻夜半歸明月皎皎當柴扉  
牆壁隔岸人語送斗柄插江霜氣微  
木葉蕭蕭覆林屋蘆花茫茫藏釣磯  
兒童村南酒家去野夫獨立風吹衣

贈天機上人

嵇元夫

高僧修道處精舍與人違樹密松關暗  
溪深石徑微巖屋青靄接澗戶白雲歸  
燕坐諸天近經遇下界稀采芝攜竹錫  
款客著麻衣雅論窮經律清齋供薺薇  
會言容結隱每念欲皈依塵累何能斷  
從師此息機

臘月廿四夜祀竈詞

嵇元夫

祀竈家家薦酒卮皆言此夜上天時黃羊未必能相媚  
素節何如只自持

燕潮酬閔水部

湯賓尹

帆檣千堞抱城河灑血遙添積水波傾蓋得君憑肺腑  
亂離餘我尚頭陀天高星斗催長嘯江靜魚龍聽短歌  
勉強佩強今日酒羸將一醉抵諸魔

三品石歌爲吳樞季太守賦

謝肇淛

吳公宅前幾片石狀如伏虎質如鐵故老相傳三百年  
蒼稜盡蝕土花色突兀三峯削不成龜紋犀理漫縱橫

忽疑屋裏青山出，頓覺滯堂烟霧生。  
秦皇鞭斷漢柱折，雙影對蹲中孤立。  
奇態豈無神護訶，玲瓏祇有雲出入。  
君不見集賢學士趙家子，手題此石墨尚泚。  
文采風流無復存，空留片石荆榛裏。  
我來踞石坐，便欲共石語。  
丘壑還如見古人，卧遊何必親杖屨。  
醉來拔劍斫蒼苔，古  
今勝跡總塵埃。  
蘭亭金谷俱已矣，一泉一石安在哉。  
但當對石快飲酒，莫思身後令心哀。  
落葉蒲堦月墜地，高  
歌一曲城烏起。

大水謠

丙申歲

謝肇淛

黑風吹浪翠蛟吼毒霧埋林蒼兕走南山北山夜發洪  
人家什九清溪中禾苗腹漲半爛死供得公家餓妻子  
男啼女哭坐黃昏夏稅新征吏扣門

茗溪草堂雜興二首

謝肇淛

六月雨意好松風鳴未休虛亭不受暑疎竹已成秋藤  
護花間石山當池上樓頽然高卧處便作少文游  
不覺身爲客江山亦可憐早霜歸雁後夜雨落花前樹  
有報春鳥池饒縮頸鰻時邀故鄉月共泛太湖船

夜遊玉磬山

謝肇淛



玉磬山前夜氣涼，白雲橋上月如霜。  
殘虹收雨歸僧院，宿鳥啼烟近女牆。  
四月野花皆欲語，千年石字不成行。  
吏情轉覺青山遠，魂夢時能到故鄉。

道場山訪老僧不值

謝肇淛

春盡烟消紫翠重，上方晝掩不聞鐘。  
窓臨雪浪三千頃，僧在寒雲第幾峯。  
古寺香風吹簷蔔，亂山晴色散芙蓉。  
斜陽宿鳥催歸去，愁對西巖一院松。

閔旱

吳稼登

歲在己丑夏，女魃不爲仁。  
赤日沸沙田，旱風吹作塵。  
農

事竟安施耒耜升中陵陰鳥杳何之不聞和鳴聲矯首  
六合內漠漠皆炎氛驅車邑井間但見轉與綦綰惟束  
先生可以通神明

三寓公詩

吳稼澂

安仁劉司空元端

司空達者流澹乎寡所嗜交游揚儒聲斐文襲奇秘曾  
稽一出守尸祝永不替少府當時細細理多至計堅議  
忤宸衷翻然奉身退蒼水春洋洋放歌日鼓棹往往杯  
酒間恢諧窘墨吏神樓何惝怳元氣擁遙睇結社玩遺

芳王父六七輩峴首碑尚存餘輝被西裔

秦中孫山人太初

太初翩翩八玉立  
玉璫猿臂塵世等蟻蝶  
放焉浮江湖秀色一攬結  
剗跡斗抵蘆扁舟出碧浪  
恍與神仙俱蹻蹻南屏山  
清芬襲衣裾矯首向赤城  
發霞志于于強迫以婚娶  
諸公無乃迂華井生蓮  
花枝葉自相扶白鶴一翔  
翔魂魄返故都墓草被秋  
風安能令不枯

華亭徐明府伯臣

徵君負淵識撰述亦已富  
當其令四明甘雨禱如注  
報

篋忤長吏徒組解中路棲遲九霞麓深情托掌故泱泱  
古遺音品藻有至悟困廬豈欲置將以守先墓出沒烟  
濤間漁唱會裏素晚境娛刀圭神飈颯然度大道何茫  
茫貽書竟成誤委蛻或就稿芬澤藹餘慕

礦山謠二首

吳稼竳

朝采金暮采金草枯山根裂居民淚沾襟信信之犬昔  
以吠夜今以給傳舍喔喔之雞昔以司晨今以飽游民  
水衡積錢爛如土何不詔取中官歸御府一出一入流  
毒苦

礦商聚中野各各不相下珍寶餽中官黃金領主者淘  
沙千斤得銀百公私費用兩無益詔書來詔書來中官  
忽變置主者顏色如土灰山頭血出金氣死誰作封章  
報天子

墻頭草

吳稼登

墻頭草風吹柔胡不生彼庭中生墻頭庭中無不可惡  
木枝蔭我又豈無野田塍農夫二三月荷鋤將見凌墻  
上趨難爲墻托根一據高遂爾固其荏牛羊欲食不得  
食牧豎過之徒嘆息

畫啼鴉

吳稼登

畫啼鴉空井漠漠吹桐花美人睡起雲鬢斜  
踈闌曲房幃幕遮蕩子忽去天之涯黃衫寶鉞玉辟邪  
金鞭驕策  
黎眉騶陌上相逢油壁車雙童邀之入酒家  
安念深閨  
老容華鷗絃一一斷琵琶夢中不識道路賒  
盈盈淚落  
沾窻紗畫啼鴉堪咨嗟

生辰嘆

吳稼登

母生辰兒跪拜有客至自萬里外誦彼柏舟  
請書帶母  
不在兒生辰客久散去空堂塵掩此蓼莪  
淚沾巾淚沾

巾亦何補負罪深重莫比數滿前薺葉化爲茶焉能使  
其不作苦艱哉艱哉一坏土白楊悲風愁殺我

里兒雜話

吳稼澄

牝雞鳴隣婆驚孤兒止啼聲

父在驅奴父死奴驅奴乎奴乎今之驅爾者誰乎  
局局局五易燭雞喔喔羸者受田輸賣屋

玉華山行

吳稼澄

隴首麥寒輕逶迤度隴行綠蘿隨地合紫蕨滿林生鳥  
影烟中度泉聲杖底鳴白雲無遠近處處寄春情

郊居

吳稼登

物候占晴雨農情漸已諳  
兒頑能曳犬婦懶不供蠶  
蒼樹雲全住青山日半含  
偶因梳短髮惆悵憶亡簪

山途卽事

吳稼登

徑仄荒多梗空山意泊如  
相逢半樵語所挾亦農書  
香發稻花放實離瓜蔓疎  
浮烟風忽捲秋色散衣裾

同允兆湖上分韻

吳稼登

輕舟去岸獨早初日蕩漾  
明湖嵐靄時開時合人烟  
乍有乍無城頭半出楊柳  
水底全見菰蒲縱使攜來  
酒竭



山家隨意堪沽

苦寒戲柬沈千秋

吳稼澄

紫騎青絲白玉鞭誰能停騎狹斜邊  
美人歌擁如花夜  
羈客愁生欲雪天  
饑向東方分漢粟  
寒從西子乞吳綿  
十千沽酒錢難給  
枉殺空文諛墓田

歲晏偶成

吳稼澄

歲去莫矣風淒然  
荳萁零落南山田  
踈篁掩映半庭雪  
獨憑樓急中林烟  
溪上老翁索魚價  
壚頭女兒催酒錢  
衡門暫啓一失笑  
復有僧雛來募緣

春日出游道場山小憩歸雲庵泛舟碧浪湖以歸

吳文企

紺塔高懸山寺蘭舟不遠人家載出村莊兒女折來楊柳桃花

樹膜雲歸山晚花飛客到春間候吏從他谿口老僧伴我松間

白石泉香相引青袍柳色平分家在桃源湘水幾時學得歸雲

短篷青山薄靄輕丹碧浪柔風歸到郡城春望湖山只

在樓中

泛茗上訪沈叔永進士

王衡

曉行茗水上忽憶米襄陽棹出蘆花亂門深竹氣涼賣  
鮮朝市聚燒葉野橋香此間軒組客亦復在耕桑  
不識竹墩路自通桑者名烟光含日薄水氣冒江平蠶  
稅先秋雨魚梁掛月明往來無俗務小艇故盈盈

送沈叔永水部北上

王衡

茗溪晴雪逗春寒迢遞行旌別思闌花發江南懷水部  
星從天北望郎官沙糴驛路孤流急浪隱繇隄老樹殘

好計工功荒度始兩河日夜有波瀾

敬酬溫夫子贈章并以抒懷

王衡

十年心事付流言老盡蛾眉轉  
元憐豈有陽春真絕調  
彈將流水亦成絃  
高城月白分藜火  
小閣清風對草玄  
欲識官墻新氣象雲華秋掌共澄鮮

寄武康令周生季侯

時季侯以收朕  
爲諸生說論語

張鶴

霄上一城大如斗吏不怒呼民不走使君寂寂坐虛臺  
捲簾萬屋春聲來春聲何自來環堵使君水鏡澄秋浦  
澹澹無風自不波灩灩有漪翻成雨良田有苗蠶有桑

使君匡坐圖書旁揮絃瀟灑高山韻拂塵霏微玉露霜  
聖人不作顏回死義學由來憑冊子強將花樣當金針  
錯認月明是標指蒲團面壁吾自知會有天解非人爲  
有句翻來盡公案無言何處是鉗鎚我亦當年工墨守  
沉酣名句空白首項下獨疑猛虎鈴舌端誰解連環紐  
對君無語了傳燈廓然大地消春冰座下何人大弟子  
與爾同叅無上乘

茅薦卿邀余讀書山中同舍吳子野金玄朗輩皆  
一時雅士各紆所懷

黃汝亨

日月忽云邁江河淼東流人生非喬松無故纏百憂摩  
盪終古人一往不復留獨此神明內炯炯負千秋賢聖  
代有作大哉集尼丘六籍閎萬有浩渺未易收明珠沉  
深淵智果焉能求何者大雅宗彫心競曹劉衆嗜偏追  
逐嘆息空白頭賤子苦拙愚放志希靈修西跂崑崙山  
東望蓬瀛洲長懷亡羊懼至精結綢繆勉旃二三子天  
衢共夷猶

讀董伯念傳慨然有作

併序

黃汝亨

伯念董祠部弱齡奮跡三十登壇華胃高門藝雄詞

長而且約身敦素士之風抗疏標直臣之節一劍足  
酬萬金立散可謂清朝之仗馬濁世之棲鳳而生不  
逢辰才不展志摧殘市虎偃蹇人龍向平之懷未紓  
長卿之病竟廢海內之士莫不憐其芳潔悲其所遭  
而吾友薦卿其舅氏也旣抱才士之痛復深渭陽之  
情哀集遺文更立小傳情詞俯仰凜有生氣余于伯  
念氣踈跡親九原不作手讀一過風雨淒集不勝河  
山之感聊代長歌之泣云爾

嗟吁伯念宗伯之孫給諫兒魁壘落拓聞當時一棺哉

身都已矣千秋令譽良在茲痛君有臂不可把讀君遺  
事淚俱下世人富貴何所爲詎如抱甕負薪者生前蹕  
厲凌高雲死後凋殘瘞原野古來共盡何足論但令骨  
朽名猶存向平損益見何遠虞卿窮愁遭其屯千言悟  
主主不悟萬金散人人無恩晚展長安去死路掛冠霄  
下辭生門生門死路空中花文彩風流落齒牙曠士爭  
誇祠節俗人羞問尚書家憶昔卧牀對君面雙眸炯  
炯如掣電一夜西風白晝陰可憐相思不相見邦家殄  
瘁人云亡束芻掛劍徒爾傷有舅文章甥不死始信情



深是涓陽

思園吟

葉秉敬

清澈園亭紫翠烟都來詩氣上衝天  
莫言園小總如咫舉眼分明太極圈

不見名園但見詩句中想像意淋漓  
未湏問及花和柳一派清心千里知

園中大寶滿前堆對月臨風莫浪猜  
逗漏自甘成口業爲君指出靜虛臺

集客園中酒一尊百篇唱和更評論  
當年金谷沉埋後

獨有蘭亭記尚存

武康龍潭紀遊

胡胤嘉

群山擁縣青巒峨萬壑奔赴翻天河編竹浮來替舟入  
長竿撐持百丈拖湍流周折急易轉上灘下灘連遞迤  
懸波激氣懷袖寒竝坐接袂肩相摩碎石海灑歲月久  
圓熟可愛累累多老樹龍蟠護崩岸密竹蔽翫纏枝柯  
樵夫擔柴支柱立溪牛領犢浮鼻過千尋赤壁恍欲落  
高眼比比皆蜂窠深潭結綠鏡底徹流沫洄旋生千渦  
急聲沸涌猛火煎風雨駭驟鳴蛟鼉湧與反景澄餘映

罅隙細響調雲和効誠寄款不自已長歌衝風水揚波  
準質桐江釣絲石未知險怪曾幾何順流下注絕有神  
駿馬飽足平沙坡歡呼倒極復蕭瑟不覺開朗除沉疴  
吁嗟乎人生飄如赴燭蛾百年往復成蹉跎從橫起舞  
擊唾壺安得鞭日揮天戈

人日武康道中

胡胤嘉

人日今晴好山川舊不移菜羹香自把華勝剪誰遺賽  
鼓村翁走郊遊女伴持往來經歲歲空復渭陽詩

得韓求仲書并所選文在文閑二編感而有寄

鍾惺

十年明一寃人生年幾十可見始禍人爲謀亦不失左  
官無明條聊取前事畢素心如諸生寵辱安能及諸生  
如之何屹屹事經術繙校非苟然血誠散卷帙可以有  
感通匪惟存矜式笑向冥理游淵淵神內實各思看花  
時少壯意難戢今來是再見木雞應可挹

將至吳興訪韓求仲年丈雨中舟進暮泊城外言

懷

鍾惺

出門武林心中聞若霄艷移帆暫先之初懷有時變豈

知湖山外別有深緣願伊人水一方屢盟圖再見山光  
十里來澹爽如君面自許今夕言從昏至於旦風雨示  
其難進止斯湏亂揖酒拜傍人罷勉幸勿倦再泊雨晴  
初月生更未半微照接離緒烟霜亦婉變

泛吳興碧浪湖夾山草蕩漾

鍾惺

衆妙隨流去層巒着處生入天湖有漸浮地漾何輕蘆  
渚如秋夜桑村在晚晴一舟空曲後寒火落分明  
湖山深更深導引主人心以爾能無倦同子得再尋烟  
寬鷗失侶天靜雁留音往返虛靈內形神有所欽

林巒同作水風日不離烟清照難留物寒遊頗用天飛  
潛終日竟心目一隅全返棹憐閒石冰霜影默然

詠求仲家紅鸚鵡兼有所贈

鍾惺

毛羽自成族聰明且勿論氣堪消朔雪光久沐朝暉照  
水常愁指離鄉况斷魂朱衣官幾命紅粒主深恩因熱  
心無着藏身舌尚存歸依惟念佛清淨火中言

冬夜茗溪看雨後初月兼有懷贈  
鍾惺

茗溪夜夜可言秋雨止晴初但一幽一縷遠山中有幾  
半爲光艷半爲愁

怯寒喜霽一痕移  
早出姍姍反似遲  
君自乍看蕪後三  
恠人藏露不多時

逢吳允兆步韻

釋如愚

良禽不肯下巖棲  
愛傍名流聽滑稽  
草就無非青玉案  
歌來都是白銅鞮  
幾分春水桃花亂  
數點寒山漁火齊  
爲羨文人精力健  
夜深歸路尚攀躋